

საქართველოს სოფლის მეურნეობის მინისტრის

ბრძანება №2-228
2012 წლის 30 ნოემბერი

ქ. თბილისი

„საჯარო სამართლის იურიდიული პირის – სურსათის ეროვნული სააგენტოს დებულების დამტკიცების შესახებ“ საქართველოს სოფლის მეურნეობის მინისტრის 2011 წლის 14 იანვრის №2-3 ბრძანებაში ცვლილების შეტანის შესახებ

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, ვბრძანებ:

მუხლი 1

„საჯარო სამართლის იურიდიული პირის – სურსათის ეროვნული სააგენტოს დებულების დამტკიცების შესახებ“ საქართველოს სოფლის მეურნეობის მინისტრის 2011 წლის 14 იანვრის №2-3 ბრძანებით დამტკიცებულ საჯარო სამართლის იურიდიული პირის – სურსათის ეროვნული სააგენტოს დებულებაში (ვებგვერდი, 140111 14.01.2011) შეტანილ იქნეს ცვლილება და დებულების:

1. მე-4 მუხლის მე-2 პუნქტს დაემატოს „ვ¹“ ქვეპუნქტი და ჩამოყალიბდეს შემდეგი რედაქციით:

„ვ¹) საზოგადოებასთან ურთიერთობის და ინფორმაციული უზრუნველყოფის დეპარტამენტი.“

2. მე-5 მუხლის:

ა) მე-4 პუნქტის:

ა.ა) „გ“ ქვეპუნქტი ამოღებულ იქნეს.

ა.ბ) „ვ“ ქვეპუნქტი ამოღებულ იქნეს.

ბ) დაემატოს 6¹ პუნქტი და ჩამოყალიბდეს შემდეგი რედაქციით:

„6¹. საზოგადოებასთან ურთიერთობის და ინფორმაციული უზრუნველყოფის დეპარტამენტის ფუნქციებია:

ა) სააგენტოს საქმიანობის გამჭვირვალობის უზრუნველყოფა;

ბ) მასობრივი ინფორმაციის საშუალებებთან ურთიერთობა, საზოგადოების ინფორმირება სააგენტოს კომპეტენციას მიკუთვნებული საქმიანობის განხორციელების თაობაზე;

გ) სააგენტოს ვებგვერდზე ინფორმაციის პერიოდული განახლება;

დ) სააგენტოს საქმიანობის შესახებ რეკლამების, საგაზეთო სტატიებისა და ვიდეორგოლების მომზადებაში მონაწილეობა;

ე) სააგენტოს კომპიუტერული ქსელისა და ტექნიკის შეუფერხებელი მუშაობის უზრუნველყოფა, ინფორმაციული ტექნოლოგიების ქსელის დანერგვა და განვითარება, პროფილაქტიკური სამუშაოების განხორციელება;

ვ) მონაცემთა ბაზის რეგულარული განახლება და ეფექტური ადმინისტრირება.“

მუხლი 2

ბრძანება ამოქმედდეს გამოქვეყნებისთანავე.

საქართველოს სოფლის მეურნეობის
მინისტრი

დავით კირვალიძე

